

едино и Единое — три. Но изначала хотя показати Моиси, яко бог и Слово имат и Дух и в них и с ними единсть бог и съдетель всем зданием,³⁶ рече: «Глагола бог: да будет свет. И бысть свет». «Рече: да прозябнет земля. И прозябе». И, да не глаголю по чясти, якоже рече Давид: «Все бог рече, и быша». || То убо³⁷ «Рече бог, и быша» показуя,³⁸ яко бог имат Слово, ни бо есть кроме слова глаголати, и яко бо³⁹ тем быша все здание.⁴⁰ Тем же то божие Слово прежде всех тварей бе и несозданно есть. Несозданно сый, божие Слово како не бог? Един бо бог несоздан есть. Но и о человеце учя нас Моиси, «Вдохну, — рече, — бог на лице его дыхание жизни, и бысть человек»,⁴¹ — показа, яко имат бог и Дух, и Дух тый съдетелен есть. Съдетель же душам един бог есть. Сего ради и Иов рече: «Дух господень, сътворивый мя».

Хотяшу убо митрополиту глаголати напред и иная пророчьскаа сведетельства и паче же она, ими же показуется, яко и обновление человеком же и миру всему бог Слово(м) и Духом своим съдевает, яко и Давид глаголет: «Посла Слово свое и исцели их, и избави их от пагубы их», и во ином паки: «Послеши Дух свой и съзидутся, и обновishi лице земли». Таковаа митрополиту уже наченшу глаголати, възбраниша они, всем купно — предстоящим и послушающим — рекшим к митрополиту: «Сиа, яже глаголаше,⁴² истинна суть, и несть мощно инако быти».

Митрополит же паки⁴³ к ним: «Тем же убо бог Три есть, и Три та един || бог есть съдетель». Они же паки — или божественую силою на се подвигшеся, или за еже немощи отвещати — сложишися паки, рекше: «Сице показася и тако имат истинное, и тако веруем и мы». И митрополит рече: «Добро. Слава богами нашему, иже тако благоволившему». ⁴⁴ Они же: «Но се нам рѣци, — рекоша, — како Христа глаголете бога, человека суца и рождьшася яко человека?» И митрополит паки:⁴⁵

— Бог не токмо вседръжитель и всесилен есть, но и праведен, якоже и пророк Давид рече: «Праведен бог наш и правды возлюби, и несть неправды в нем». Ни кое же убо есть (божие)⁴⁶ дело, еже не (и)⁴⁷ правду имат с собою. И яко же солнечнаа луча купно и оживительную силу имат, и свет, и теплоту, сице (и)⁴⁸ божие действо с собою⁴⁹ и божественую силу и правду иматъ. Създав убо бог изначала человека в делех благых и жити по того божественей заповеди повелев;⁵⁰ но понеже тый человек, волею послушав, повинуся диаволу и съгреши, божественую заповедь преступив, и смертию в правду осужен бысть. Не бе божие с насилием избавити от него человека, неправдовал бо би сице диавола, с нуждею отъем человека от руку его, его же не взят || нуждею. Но и самовластное человеку раздрушилося бы, нуждею и силою богу свободяющую того. Еже не бе божие — разарети свое дело. Бяше убо нужно человеку быти безгрешну и безгрешне пожити; и тако помощи иже волею съгрешьшому человеку. «Никто же убо, — рече, — безгрешен, аще и един день животь его будет». И пророк Давид «В безаконии, — рече, — зачат бых, и во гресех роди мя мати моя». Сего ради единое безгрешное Слово божие, сын человекъ бывает: и от Девы раждается, и глас с небесе отецъ све(де)тельствует ему, и дияволом искушаем и ратуем бывает, и побеждает искушающаго, и дела и словеса и чудеса великими показывает и уверяет веру и жителство спасения; и тако тый, иже без осуждения безгрешне живы(й),⁵¹

³⁶ създанным АБВДЕ. ³⁷ Доб. еже АБВДЕ. ³⁸ показывает АБВДЕ. ³⁹ Нет АБВДЕ. ⁴⁰ създания АБВДЕ. ⁴¹ Доб. в душу живу Д. ⁴² глаголеши АБВДЕ. ⁴³ Доб. рече Д. ⁴⁴ иже тако благоволившему нет АДЕ. ⁴⁵ Доб. рече Д. ⁴⁶ Восст. по АБВДЕ. ⁴⁷ Восст. по АБВДЕ. ⁴⁸ Восст. по АБВДЕ. ⁴⁹ особую АЕ. ⁵⁰ повеле АБВДЕ. ⁵¹ поживы(й) АБВДЕ.